



22. maj 2024

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalackersuisunut apeqquteqaateqarpunga.

**Naalackersuisunut apeqquteqaatit:**

1. Naalackersuisut qanoq isummerfigaat, innuttaqartugut, pisortanit pigineqartunit illuni oquttuni najugaqartunik?
  - a. Naalackersuisut paasisimasaqarpa, innuttaasut qassit, taama inissisimanerannik?
  - b. Taarsiisutaasinnaasunut periarfissat suuppat, attartortoq napparsimalersimappat toqqaannartumik attartukkami oqoqalersimanerata kingunerisaanik?
  - c. Attartortumut inissiigallarnissamut periarfissat suuppat, inip attartukkat oqoqarnerata paasineqarnerani?
  - d. Suliaq sumut killippa attartortut periarfissinniarlugit inimut tunniunneqartumut itigartitsisinnaanerannik, taanna ini siusinnerusukkut oqummik eqqorneqarsimammat?
  - e. Qanoq akulikitsigisumik INI A/S illuutiminik misissuisarpa illup qanoq innera misissorniarlugu soorlu assersuutigalugu oqoqarnersoq?
2. Naalackersuisut nassuiarsinnaanerpaat, attartortut sunik pisinnaatitaaffeqarlutillu illersorneqarsinnaanersut, Ineqarnermut naammagittaalliortarfiup attartortoq isumaqatigalugu isummersimappat?
  - a. Tassani Ineqarnermut naammagittaalliortarfik sunik pisinnaatitaaffeqarpa?
  - b. Naalackersuisut Demokraatit isumaqatigisinnaanerpaat, INI A/S attartortitsisullu allat Ineqarnermut naammagittaalliortarfiup aalajangigaanik ataqqinnittuaannartariaqartut?
  - c. Naalackersuisut sunik periarfissaqarpat attartortut ikiorlugillu illersornissaanut, INI A/S imaluunniit attartortitsisut allat Ineqarnermut naammagittaalliortarfiup aalajangigaatut iliuseqanngippata?
3. Qaqugu Naalackersuisut innuttaasut ilisimatinniarpaat, ineqarnermut akiliutit qanoq annertutigisumik qaffassanersut Naalackersuisut naalackersuisooqatigiillu ineqarneq pillugu aaqqissuuseqqiinerisa malittaaniq?
4. Naalackersuisut suliniuteqarusunnerpaat malittarisassanik atuutsitsilernissamut, illuni pisortanit pigineqartuni tamani allassimasoqartassasoq angerlarsimaffimmi meeqqanik 18-nit inorlugit ukiulinnik ineqateqarnersut?
  - a. Aamma/imaluunniit attartukkami najugallit tamarmik nalunaarutigineqartarnissaannik?
5. Naalackersuisut malittarisassiorsinnaappat, illuni tamani pisortanit pigineqartuni kikkut inisimanersut nalunaarutigineqartassasoq?
6. Eqqartorneqartumut attuumassutilinnik allanik Naalackersuisut paasissutissiisinnaappat?



(Inatsisartunut ilaasortaq Anna Wangenheim, Demokraatit)

### **Tungavilersuut**

Imminut aperisariaqarsorinarpoq, Ineqarnermut naammagittaalliortarfeqarneq iluaqutaanersoq, isumaqatigiinngissutit tusartakkat attartortup attartortitsisullu akornanni pisut aaqinneqarneq ajorsimappata.

Oquk ajornartorsiutaasorujussuuvoq. Takusarpagut illut, inigineqarnissaminnut inerteqqutigineqartussaagaluit, taamaattorli inigineqartut inuttaalu napparsimalersut allamik inissaqannginnertik pissutigalugu. Isumaqarpunga, attartortitsisoq illuni pisortanit pigineqartuni attartortunut annertoorujussuarmik pisussaaffeqartoq pitsaassutsip allannguajaattuutinnissaanut aammalu nakkutigalugu, attartorup pisussaaffini aserfallatsaaliinermut attattuarnissaanut, oqoqalernissaanik pinaveersaartitsilluni.

Attartortut, illumi qeqqinnanngitsumi najugaqarnerminni napparsimalersimasut, periarfissakinnerujussuusarput inatsisitigullu illersorneqarnissamut sanngiinnerusarlutik. Ajornerpaatigullu kingunerisinnaavaa, innuttaasut sulisinnaanatik napparsimasut, kialluunniimmi tamanna kissaatigisinnaangilaa.

Taakku saniatigut ernumanarpoq, qitiusumiit kisitsisaatigineqanngimmat, meeqqat qassit, illuni attartortittakkani najugaqarnermut – illuni peqqissutsimut ulorianaarteqarsinnaasuni, napparsimalissutigisinnaasaanni. Taamaattumik ilaqutariit meerartallit illersornissaat imatut annertusartariaqarpoq, paasillugu, meeqqat ukiukittut qassit, pisortat inissiaataanni attartortittakkani najugaqarnermut.

Apeqqutima akissuteqarfigineqarnissaat qilanaaraara ullut suliffiusut qulit iluanni.